

## Ilanngussaq 2, oqaasertaliussat kiisalu oqaasertaliussanut nassuiaatit

**Ilanngussaq 2, AIS 2025-p pingajussaaneernejarnissaanut atatillugu oqaasertaliussanut aamma oqaasertaliussanut nassuiaatinut allannguutissatut siunnersuut:**

### **Nr. 151.**

#### **Naalakkersuisut - Suliassaqarfik 10 – 89**

Oqaasertaliussat tulliuuttut ilanngunniarneqarput. Oqaasertaliussap ilanngunniarneqarneranut tunngavilersuut takorusunneqassappat oqaasertaliussamut matumunnga nassuiaatit innersuussutigineqassapput.

#### **”Nr. 11.**

Namminersorlutik Oqartussat kommunillu missingersuutaat naatsorsuutaallu pillugit Inatsisartut inatsisaanni § 2, imm. 3 naapertorlugu aalajangersagaq imm. 2 taanna malillugu missingersuutinit inissisimanerit naatsorsuiffigineranni suliniutip nr. 52123, Ilinniartut ineqarfii aalajangersimasut, Nuuk, Etape 2, sananissaannut tunngatillugu aningaasartuutinnortut isiginiarneqartussaangillat.”

#### **Naalakkersuisunut nassuiaatit – suliassaqarfik 10-89**

Oqaasertaliussanut nassuiaatit tullinnguuttut ilanngunniarneqarput:

#### **”Nr. 11.**

Namminersorlutik Oqartussat kommunillu missingersuutaat naatsorsuutaallu pillugit Inatsisartut inatsisaanni missingersuutinit inissisimanerup taaneqartup § 2, imm. 2-miittup naatsorsuiffiginerani Ilinniartunut ineqarfiit aalajangersimasut, Etape 2 Nuummiittut sananissaannut tunngatillugu aningaasartuutinnortut isiginiarneqartanninnissaat oqaasertaliussani uani akuersissutigineqarput.

Aalajangersakkami imm. 3 taanna naapertorlugu Namminersorlutik Oqartussat missingersuutini inissisimanerannut naatsorsuinerimi aningaasartuutit inissianik, inuussutissarsiutinik imaluunniit attaveqarnermik pilersaarutini aningaasaliinermut attuumassuteqartinneqarsinnaasut kingunerisassaanik naliliinikkut inuiaqatigiit aningaasaqarnerannut ataatsimut iluanaarutaasussatut nalilerneqarpata mininneqarsinnaanerata Naalakkersuisut akuersissutigisinnaavaat.

Kukkunersiuisarfittut suliffeqarfik KPMG P/S ilinniartut ineqarfiinut pineqartunut inuiaqatigiit tungaasigut aningaasatigut iluanaarutinit naatsorsuisimavoq. KPMG isumaqarpoq aningaasaliineq immi 2074-imi akilereersimassasoq, taamaasillunilu - tunngavissat atorleqartut atorlugit - akilersinnaasutut isigineqarluni. Inuiaqatigiit tungaasigut aningaasatigut ilanngaaseereerluni massakkut nalilillit 25 mio. kr.-nut naatsorsuiffigineqarsimapput.

Suliniutip Namminersorlutik Oqartussat aningaasaqarnerata aamma ilinniartunngoriaannanut aningaasaqarnerup sunniutaasa tamakkiisumik nalilersuiffiginissaat anguniarlugu misissueqqissaarnermut ilaasut arlallit atorlugit misissueqqissaarneq ilusiligaavoq. Misissueqqissaarnerup ilaani pingaarnertut sammisassaasoq tassaavoq inuiaqatigiit aningaasaqarnerannut kingunerisassanut nalilersuinissaq, taannalu periaannarnik marlunnik tunngaveqarpoq: 1) Aningaasaliisoqarnissaanut periaannaq ilinniartut ineqarfiinik sanaartorfiusussaq, aamma 2) periaannaq pisussaqaqarfiummitsoq ilinniartut ineqarfiinik sanaartorfiusussaangitsoq. Periaannarmi ilinniartut ineqarfiinik sanaartorfiusussami aningaasartuutinnortussat, isertinneqartussat, pitsaaqutissat akornutissallu arlallit paasineqarsimapput, tamakkulu suliniutip ingerlanerani amerlassusilerneqarsimapput, agguarneqarsimallutillu. Taakkua inernerat ullumikkut akinut naatsorsorneqarsimapput,

## **Ilanngussaq 2, oqaasertaliussat kiisalu oqaasertaliussanut nassuiaatit**

taamaasilluni suliniutip ilanngaaseereerluni massakut inuiaqatigiit aningaasaqarnerisa tungaasigut nalilersuiffigissallugu periarfissaalerluni. Tamanna inuiaqatigiit aningaasaqarnerannut misissueqqissaarnissap suliarinissaanut, kisiannili akuerineqartumik suliarinissaanut, ajornanninnerulersitsivoq.

Suliaq UKA2024-p ingerlannerani Aningaasaqarnermut Akileraartarnermullu Ataatsimiititaliamut saqqummiunneqarsimavoq, aamma Aningaasaqarnermut Akileraartarnermullu Ataatsimiititaliamit ulloq 14-11-2024 akuerineqarpoq, suliap normua 24-1107.

Oqaasertaliussaq nutaajuvoq.”

### **Aningaasaqarnermut Akileraartarnermullu Naalakkersuisoq - Suliassaqarfik 20** **- 24**

**Nr. 152.**

**Suliassaqarfik 20-24-mut Aningaasaqarnermut Akileraartarnermullu Naalakkersuisoqarfik**  
Oqaasertaliussaq tullianiittoq ilanngunniarneqarpoq:

”Nr. 5.

Naalakkersuisut procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 5, imm. 3, nr. 4 imatut oqaasertalernissaanut akuersissutiginninnissamut aamma atuutilersitsinissamut piginnaatinneqassat:

4) ajunngitsorsiat, meeqqat tapersorsorneqarnissaannut Inatsisartut inatsisaanni maleruagassat naapertorlugit angajoqqaarsianut, oqilisaasartunut ilaqutariinnulluunniit inissiigasuartarfinnut tunniunneqartut. Angajoqqaarsianut ajunngitsorsiat ikilisinnerisa assigaat nalinginnartut angajoqqaarsiatut ajunngitsorsiasat, tassunga ilanngullugu akileraartarnermi tapiliut, aammalu inissiigasuartarfinnut aamma oqilisaasartunut ajunngitsorsiasat taassuma annertussusaanut, imaluunniit pineqartup nalinginnartut ilanngaataasutut saniatigut suliarisanut pineqartunut taakkununga atatillugu akileraarutigisassatut isertitanik naatsorsuineri ukiumi isertitsiffiusumi ilanngaatisinnaasai assigalugit, takuuk isertitanik akileraarusiisarneq pillugu inatsisartut inatsisaanni § 21, imm. 2.”

### **Suliassaqarfik 20-24-mut Aningaasaqarnermut Akileraartarnermullu** **Naalakkersuisoqarfimmu oqaaseqaatit**

Oqaasertaliussaq tullianiittoq ilanngunniarneqarpoq:

”Nr. 5.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 5, imm. 3, nr. 4-mi maannakkut aalajangersagaasoq oqaasertaliussap allangortippaa. Nalinginnartut angajoqqaarsianut ajunngitsorsiasat saniatigut maannakkut isertitanik naatsorsuineri aamma nalinginnartut angajoqqaarsiatut ajunngitsorsiasannut akileraarutini tapiliutip ilaatissannginneranik allanguut nassataqarpoq.

Angajoqqaarsianut ajunngitsorsiasanik akileraarusuineq pillugu malittarisassiat kommuninit aamma angajoqqaarsianit aqutarineri oqilisaaviginiarlugit allangortitsinerit allanguummit malitsigisaavoq. Allanguutit angajoqqaarsianut, kommuninut aamma namminersorlutik oqartussanut taamaallaat annikitsuinnarnik aningaasaqarnikkut kingunerititaqarput.

## **Ilanngussaq 2, oqaasertaliussat kiisalu oqaasertaliussanut nassuiaatit**

Ullumikkut nalinginnartut angajoqqaarsianut ajunngitsorsiassat nalinganit akileraarutit assinganik akileraarutit ilanngaammik angajoqqaarsiat nammineq pisartutut tunineqartarput. Aaqqiissut taanna naleqqutinngitsoq paasineqarsimavoq, aaqqiissutikkummi tunngaviutinneqarpoq kommunit, Akileraartarnermut Aqutsisoqarfimmut aamma angajoqqaarsianut paasissutissanik nalunaaruteqartussat B-tut isertitanik nalunaaruteqartarnermut tunngatillugu malittarisassianik sianiginnittariaqarnissaat.

Allannguutit ilaatigut nassataraa maannakkut atuuttut angajoqqaarsianut ilanngaati atorunnaarnera. Paarlattuanik angajoqqaarsianut ajunngitsorsiassat ilanngaati atorunnaarput nalingata assinganik akileraarutit tapiliummik annertusisinnegassapput. Taamaalisukkat ajunngitsorsiassat B-tut isertitaanerani A-tut isertitanngortinneqassapput. Aningaasaqarnikkut ullumikkutulli angajoqqaarsiat assinganik pineqassapput. Taamaattorli ilaat akileraarusersuinerup kingornatigut annertunerulaamik, ilaallu annikinnerulaamik pissarsisassapput, kikkunnut tamanut akileraarutit tapiliut akigititit assiigiit malillugit naatsorsorneqartarmat, taamaalillunilu kommunini akileraarusersuinerup procentini assigiinnigissutisunik sianiginnigani, soorlulusooq isertitani B-mit A-mut ikaarsaariarneq angajoqqaarsiat ilaannut ilassummik annikitsumik aningaasartuuteqartitsisinnaalluni.

Allannguut angajoqqaarsiat akileraarutit akiliutit ikinaarutaannik peqarnissannik aarleqqummik annikillisaassaaq, aammalu akileraartitsinerup oqartussanut ajunngitsorsiassanik eqqortunik taakkuninnga kommunit nalunaartarnerannik paasiuminarsaassalluni.

Ilanngaati atorunnaarnera maannakkut isertitit naatsorsornerinut pingaaruteqarpoq, maannakkummi aalajangersagaasumi ilanngaati taanna aallaavigineqarmat. Matumani oqaasertaliussat ilanngunneqarput akileraarutitigut pissutsinik atukkaminik paasiuminarsaaneq nassatarisaanik angajoqqaarsiat suli annertunerusumik ikilisaavigineqassannginnerat qularnaarniarlugu.

Oqaasertaliussaq nutaajuvoq.”

### **Nr. 153.**

#### **Konto pingaarnermut, 20.01.02 Kommunit iluanni aningaasartuutit immikkut ittut**

Oqaasertaliussat tulliuuttut ilanngunniarneqarput. Oqaasertaliussap ilanngunniarneqarneranut tunngavilersuut takorusunneqassappat oqaasertaliussamut matumunnga nassuiaatit innersuussutigineqassapput.

”Naalakkersuisut isumaginninnikkut imaluunniit aningaasaqarnikkut suliassaqaarfinni kommunit suliassaasa unikkallarneranni imaluunniit tigugallarneranni Namminersorlutik Oqartussat aningaasartuutaasa matussusernissaannut 5 mio. kr.-t tikillugit aningaasartuuteqarnissamut Naalakkersuisut piginnaatinneqarput.”

#### **Konto pingaarnermut, 20.01.02 Kommunit iluanni aningaasartuutit immikkut ittut,-mut nassuiaatit**

Oqaasertaliussanut nassuiaatit tullinnguuttut ilanngunniarneqarput:

”Oqaasertaliussaq siunnersuutigineqartoq unammilligassanik Kommune Kujallermi paasineqartunik aallaaveqarpoq, kisiannili tassunga killeqartinneqarnani.

Kommuneq Kujalleq isumaginninnermut suliassaqaarfimmi suliati suliarnissaannut, minnerunngitsumillu isumaginninnermut suliassaqaarfimmi aningaasaqarnikkut aqutsinerup

## **Ilanngussaq 2, oqaasertaliussat kiisalu oqaasertaliussanut nassuiaatit**

suliarisarnissaanut, annertuunik unammilligassaqqartoq paasinarsisimavoq. Kommune tamatuma saniatigut Namminersorlutik Oqartussanut annertuunik akiitsoqalersimavoq, tamatumunngalu akileraarutitut A-nut suliffeqarfinnullu akitsuutit akilerneqanngitsut kiisalu meeqqanut inunnullu innarluutilinnut Namminersorlutik Oqartussat paaqqinnittarfiini najugalinnut amigartumik akiliuteqartarnerit pissutaapput.

Isumaginnittoqarfiup aqunneqarnera aqqissuussaanelu pillugit Inatsisartut peqqussutaanni nr. 11, 12, november 2001-imeersumi § 7 naapertorlugu isumaginninnikkut inatsisaasut pisariaqarfiatigut atorunnaarsinnissaannut atatillugu kommune aningaasartuutitut akiliisartussaavoq. Aningaasartuutitut Namminersorlutik Oqartussanut atorunnaarsitsigallarnerup imaluunniit tigusinerup kingunerisinnaasaannut missingersuutit massakkut inissiisoqarsinnaanngilaq, tassami suliniutigineqartup annertussusaa suli misissuiffigineqartussaavoq. Aningaasartuutit angalanernut, najugaqarnermut ullormusianullu kiisalu pisariaqassappat avataaniit siunnersorteqarnissamut aningaasartuutitut immikkut ittunut tunngariaannaapput.

Aningaasat kontomi pingaarnermiittut aningaasat aalajangersimasut atorneqartillugit aningaasartuutit matuneqarnissaannut atorneqannginnissaat pillugit oqartussaalluni naalackersuisoqarfik aalajangiisinaavoq. Aningaasartuutit killiliussanit annikinnerusut pisariaqassappat naalackersuisoqarfinniit aqutsisoqarfinnilluunniit aningaasartuutitut attuumassutilinniit akilerneqartariaqassapput.

Isumaginninnikkut malittarisassat atorunnaarsinniarnissaanni kommune aningaasartuutitut akiliuteqartussaagaluarpalluunniit Naalackersuisut oqaasertaliussaq tunngavigalugu aningaasartuutit kommunimut ingerlateqqinneqannginnissaannik aalajangiisinaapput. Tamanna kommunip aningaasaqarnikkut inissisimanera ajorluinnarsimappat immikkut soqutiginaateqalersinnaavoq. Oqaasertaliussaq manna atorlugu kommunip aningaasartuutaasa ilaasa makku ilaannut imaluunniit tamakkerlugit akilertarnissaanut tunngavissamik ujartuisoqanngimmat erseqqissarneqassaaq.

Oqaasertaliussaq nutaajuvoq.”

### **Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoq – Suliassaqarfik 31**

#### **Nr. 154.**

#### **Suliassaqarfik 31-mut, Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoqarfik**

Kontumut pingaarnermut matumunnga oqaasertaliussat nr. 2 tassungalu nassuiaatit peerniarneqarput. Suliassaqarfik 20-24-mut, Aningaasaqarnermut Akileraartarnermullu Naalackersuisoqarfimmuut oqaasertaliussamik nutaamik ilanngussiniartoqarnera pissutaavoq. Oqaasertaliussap nutaap manna oqaasertaliussaq nr. 2 pisariaqartikkunnaarpaa.

#### **Nr. 155.**

#### **Kontomut pingaarnermut, 31.03.34 Meeqqanut akilersuutit meeravissartaarnerlu kiisalu meeqqanut inuusuttunullu illersuisoqartitsisarneq**

AIS2025-mi kontumut pingaarnermut matumunnga oqaasertaliussat peeqquneqarput ukuninngalu taarserlugit:

## **Ilanngussaq 2, oqaasertaliussat kiisalu oqaasertaliussanut nassuiaatit**

”Meeqqanut akilersuutit il.il. meeravissartaarnermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq Inatsisartullu peqqussutaatigut nr. 3, 12. juni 1995-imeersukkut allanngortinneqartoq naapertorlugu meeqqanut tapiissutit annertussusaat aalajangersarneqartarput:

Nalinginnaasumik ingerlaavartumik meeqqamut ataatsimut akilersuutit ukiup affaanut	6.411 kr.
Anaanaasup erninissaa qaammatinik marlunnik sioqqullugu ernereerneranilu qaammammi ataatsimi qaammammut akilersuutit	646 kr.
Erninermut atatillugu aningaasartuuteqarnermut tapiissutit, ataasiaannartumik tigussasat.	612 kr.
Meeqqap kuisinnerani tapiissutit, ataasiaannartumik tigussasat.	816 kr.
Meeqqap apersortinnerani imaluunniit assingusumik pisoqarnerani tapiissutit, ataasiaannartumik tigussasat.	3.241 kr.

Meeqqat pilersorneqarnerat pillugu inatsisip Kalaallit Nunaannut atuutilersinneqarnissaanik peqqussut nr. 259, 15. marts 2024-imeersoq naapertorlugu meeqqanut tapiissutit annertussusaat aalajangersarneqarpoq ilinniarnersiutinut akiliutinut meeqqanut akilersuutit ingerlaavartut naleqataannik annertoqatigalugit meeqqamut ataatsimut ukiup affaanut 6.411 kr-it.”

### **Kontomut pingaarnermut, 31.03.34 Meeqqanut akilersuutit meeravissartaarnerlu kiisalu meeqqanut inuusuttunullu illersuisoqartitsisarneq, nassuiaatit**

AIS2025-mi oqaasertaliussani immikkoortoq kingulleq peerniarneqarpoq matumalu ataani taaneqartumik taarserniarneqarluni:

“Meeqqat pilersorneqarnerat pillugu inatsisip Kalaallit Nunaannut atuutilersinneqarnissaanik peqqussut nr. 259, 15. marts 2024-imeersoq malitsigisaanik meeqqanut tapiissutit annertussusaat, ilinniarnersiutinut akiliutinut meeqqanut akilersuutit ingerlaavartut naleqataannik annertoqatigalugit meeqqamut ataatsimut ukiup affaanut aalajangersarneqarnissaa pisariaqarsimavoq.

Oqaasertaliussat AI2024-mit iluarsineqarlutik ingerlateqqitaapput.”

### **Peqqissutsimut Naalakkersuisoq – Suliassaqarfik 34**

#### **Nr. 156.**

#### **Konto pingarneq 34.12.03 Napparsimasunik angallassinerit pinasuartumillu angallassinerit il.il.**

Oqaasertaliussat tulluuttut ilanngunniarneqarput. Oqaasertaliussap ilanngunniarneqarneranut tunngavilersuut takorusunneqassappat oqaasertaliussamut matumunnga nassuiaatit innersuussutigineqassapput:

“Suliassat kontumi pingaarnermi siunertarineqartunut tunngasut suliarineqarnissaannut 2025-miit ukiunik tallimanik sivissussilimmik, Air Greenland A/S-imik kiffartuussinissamut isumaqatigiissuteqarnissamik Naalakkersuisut piginnaatinneqarput. Isumaqatigiissutit tamatuma kingorna ukiuni marlunni ukiunik marlunnik, 2025-miillu isumaqatigiissuteqarfiusut amerlanerpaamik ukiunik qulingiluanik sivitsorneqarsinnaapput.

Isumaqatigiissuteqarnikkut aningaasaliissutit tamarmiusut sipporneqassanngillat aamma ukiut missingersuusiorfiugallartut sunnerneqassanngillat.”

## **Ilanngussaq 2, oqaasertaliussat kiisalu oqaasertaliussanut nassuiaatit**

### **Konto pingaarneq 34.12.03 Napparsimasunik angallassinertit pinasuartumillu angallassinertit il.il. -mut missingersuutitut ilanngussaq**

Oqaasertaliussanut nassuiaatit tullinnguuttut ilanngunniarneqarput:

“Nunatsinni Danmarkimilu napparsimasunik angallassinissamut tunngasunik Air Greenland A/S isumaqatigiissuteqarfigineranit suli ukiuni arlaqartuni isumaqatigiissuteqarsinnaanissamik Naalakkersuisut tunngavissaqartoq, oqaasertaliussani qulakkeerneqarpoq.

Atortut nutaanerusunik pissarsinikkut pitsannorsaasoqarsinnaassaaq, pisariinnerusumillu napparsimasunik timmisartuussisarnissaaq kiisalu nunatsinni peqqinnissaqarfimmi attaveqaasersuutit ineriartorfiujuarnissaanut atasumik peqqissutsimut politikikkut piffissaaq ungasinnerusooq eqqarsaatigalugu isumaqatigiissusiortoqassaaq.

Napparsimasunut angallassinertit kiffartuussinermi qaffasissusaa naleqqutissasooq Inuiaqatigiinnut pingaaruteqarpoq, peqqinnissaqarfiullu attaveqaataanut tulluurtumik kiffartuussinissamut isumaqatigiissut pingaarnertut tunngaviussaaq.

Napparsimasunik angallassinermi kiffartuussinissamik isumaqatigiissutip naanerani napparsimasunik angallassisooqaannarnissaanik periarfissaaq isumaqatigiissutip sivitsorneqarneranut tunngaviusumik qularnaarneqassaaq.

Oqaasertaliussat nutaajupput.”

### **Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisooq – Suliassaqarfik 40**

**Nr. 157.**

#### **Kontomut pingaarnermut, 40.02.03 Aningaaserivinnit taarsigassarsiarititit aammalu aningaaseriviit taarsigassarsiarititaasa akilerneqartarneri**

AIS2025-mi kontumi pingaarnermi uani oqaasertaliussaq nr. 2-mi immikkoortup tulliuttup peerneqarnissaa qinnutigineqarpoq:

”Timmisartortartutut ilinniartitaanermut aningaasartuutit ilinniartumut ataatsimut 600 - 800.000 kr.-it missaaniipput. Aningaasartuutit taakku affai ilinniarnermi taarsigassarsiaannagortinneqarput konto pingaarnikkut, 40.02.03 Aningaaserivinnit taarsigassarsiarititit aammalu aningaaseriviit taarsigassarsiarititaasa akilerneqartarneri, akilerneqassapput. Affai sinneruttut matumani konto pingaarnermi ilinniarnermut aningaasartuutitut tapiissutitigut akilerneqassapput.”

Uanngalu taarserneqarluni:

”Timmisartortartutut ilinniartitaanermut aningaasartuutit ilinniartumut ataatsimut 600 - 800.000 kr.-it missaaniipput. Aningaasartuutit taakku affaat tikillugit ilinniartuunermi taarsigassarsiaannagortinneqarsinnaapput, taakkulu konto pingaarnermi 40.02.03 Aningaaserivinni taarsigassarsiat taarsigassarsiallu akilerneqartarnerat aningaasartuutigineqassapput. Affai sinneruttut matumani konto pingaarnermi ilinniarnermut aningaasartuutitut tapiissutitigut akilerneqassapput.”

**Nr. 158.**

**Kotomut pingaarnermut, 40.02.06 Ilinniarnermi tapiissutit meeqqanullu tapit**

AIS2025-mi kotomut pingaarnermut matumunnga oqaasertaliussa qeeqquneqarpoq, tullinnguuttunillu taarserlugu. Allanguutissatut siunnersuut atorlugu ilinniarnermi tapiissutit akigititallu 1 %-ip missaanik qaffaaffiginissaat qinnutigineqarpoq:

"Ilinniagaqarnersiutit pillugit Inatsisartut inatsisaanni nr. 12, 22. november 2011-meersumi, Ilinniagaqarnersiutit pillugit Namminersorlutik Oqartussat inatsisaanni nr. 16, 6. juni 2016-meersumi allangortinneqartumi § 14, imm. 3 aamma ilinniagaqarnersiutit pillugit Namminersorlutik Oqartussat nalunaarutaanni nr. 9, 19. juli 2017-meersumi § 12 naapertorlugit ilinniarnermi qaammammut tapiissutissat imatut aalajangersagaapput:

- Folkehøjskoleni atuartunut 2.147 kr.-t.
- Ilinniartunut 18-it inorlugit ukiulinnut ilinniarnerni piareersarfiusuni ilinniartunut imaluunniit ilinniartut ineqarfiini najugalinnut ilinniarnerni piareersarfiusuni ilinniartunut 2.454 kr.-t. Ilinniartut 18-it inorlugit ukiullit ilinniarnerni piareersarfiusuni ilinniartut ineqarfiini najugallit akeqanngitsumik nerisaqarlutillu najugaqarput, aningaasartuutit ilinniarfeqarfinit akilerneqartarput. Ilinniartut inaanni nerisaqarnissaq periarfissaqartinneqanngippat imaluunniit ilaannakortumik periarfissaqartinneqarpat, ilinniartut ilinniartut inaanniittut nerisaqarnermut tapinik qaammammut ima annertutigisunik tigusaqartassapput: 1.687 kr.-t imaluunniit qaammammut 1.022 kr.-t.
- Ilinniartunut Kalaallit Nunaanni ilinniaqqiffinnut ingerlaqqittunut, tunngaviusumik inuussutissarsiutinik ilinniagaqartunut sulisitsisuminnit akissarsiaqartinneqanngitsunut kiisalu ilinniartunut 18-it sinnerlugit ukiulinnut ilinniarnissamat piareersartunut 5.112 kr.-t, taamaattorli ilinniartut ilinniarnerminnut atatillugu akeqanngitsumik nerisaqarlutillu najugaqartut taakkununnga ilanngaaffigitittassapput.

Ilinniakkanut Kalaallit Nunatta avataanni ingerlanneqartunut atatillugu akigititat makku atuupput:

- Danmarkimi ilinniartunut 20-t ataallugit ukiulinnut ilinniagassaminnut atatillugu piareersaataasumik ilinniartunut, inuussutissarsiutinut ilinniartunut ingerlaqqiffiusumillu ilinniakkat ilaanni ilinniartunut 5.214 kr.-t.
- Ilinniartunut nunani allani najugaqartunut aamma Kalaallit Nunaata aamma Danmarkip avataani ilinniartunut 5.726 kr.-t.

Ilinniagaqarnersiutit pillugit Inatsisartut inatsisaanni nr. 12, 22. november 2011-meersumi § 15, imm. 1 naapertorlugu sulisitsisunut lærlinginik atorfinitsitsisartunut tapiissutit tunniunneqartut imatut aalajangersarneqarput:

Ilinniarnerp aallartinnerani ukiumi siullermi lærlinginut qaammammut 4.805 kr.-t.

Lærlingimut ataatsimut ukiunut ilinniarfiusunut tulliuttunut qaammammut tapiissutaasartut imatut aalajangersarneqarput:

Mediegrafikeri	kr. 535
Gourmetslagteri	
Film, TV-produktionsteknikeri	kr. 619
Inuussutissalerinnermut ikiorti	kr. 762
Cykelmekanikeri	

## Ilanngussaq 2, oqaasertaliussat kiisalu oqaasertaliussanut nassuiaatit

Titartagartalersuisartog	
Titartaganngortitsisarnermi naqiterisartog	
Saaffiginnittarfimmi sulisoq	
Iffiortoq	
Gourmetslagteraspitant	
Tunisassiassanik naatitalerisoq	kr. 886
Saqisoq	
Tandklinikassistent/Kigutigissaasoq	
Assiliisoq	
FishTec	
Saaffiginnittarfimmi takornariaqarnermilu ikiorti	
Atisassiortoq	kr. 986
Datatekniker programmering	
Innaallagisserisoq	
Maskinamik atortoqarluni sanasoq	
Mittarfeqarfimmi sulisartog	
Automekanikeri	kr. 1.034
Entreprenørmaskiinanik mekanikeri	
Biilit qaavinut saffioq	
Eqqagassalerinermik teknikeri	
Lastbiililerisoq	
Umiarsuarni ikkussuisartog	
Imarsiutinik- & snescooterinik iluarsaasartog	
Peqqissaanermi assistenti	
Datatekniker, attaveqaasersuutit	
Ataatsimeersuarnerni suliffeqarfinnilu saqisoq	kr. 1.152
Eventteknikeri	
Automatik teknikeri	kr. 1.183
Illunik qalipaasoq	
Teknikikkut ilusilersuisartog	
Timigissartunik ilitsersuisartog	
TNI Kukkunersiuisumut ikiorti	
Sanasoq	
VVS-Energimontøri	
Maskinentreprenør aamma minesvend	
Saffioq	
Nujalerisoq	
Flymekanikeritut ilinniagaq	kr. 1.338
Inuussutissalerinermut ikiorti	
IT-mut ikiorti	
Iffiortoq aamma kaagiliortoq	
Gatronom spec kok	



## Ilanngussaq 2, oqaasertaliussat kiisalu oqaasertaliussanut nassuiaatit

Elektronikfagteknikeri  
Assartugalerisoq

TNI-allaffissorneq (allaffik) kr. 1.748  
TNI ulluinnarni nioqutissanik niuerneq (pisiniarfinni)  
TNI/HG immikkuullarissumik sammivilimmik pisiniartitsisunngorniaq  
TNI/HG immikkuullarissumik sammiveqarani pisiniartitsisunngorniaq  
Cater & kantineassistent  
Gastronomassistenti  
Qarmaasoq  
Kuitsivilerineq  
Illup qalilineq  
Isaterineq  
Fliset ininillu isugutattulerineq

Svejseri kr. 1.866

Isarualerisoq kr. 2.026  
”

### **Nr. 159.**

#### **Kotomut pingaarnermut, 40.02.07 Immikkut ikiorsiissutit, angalanermut aningaasartuutit il.il. suliffeqarfiit**

AIS2025-mi kontumi pingaarnermi uani oqaasertaliussaq nr. 2-mi immikkoortup tulliuttup peerneqarnissaa qinnutigineqarpoq:

”Timmisartortartutut ilinniartitaanermut aningaasartuutit ilinniartumut ataatsimut 600 - 800.000 kr.-it missaaniipput. Aningaasartuutit taakku affai ilinniarnermi taarsigassarsiassangortinneqarput konto pingaarnikkut, 40.02.03 Aningaaserivinnit taarsigassarsiarititat aammalu aningaaseriviit taarsigassarsiarititaasa akilerneqartarneri, akilerneqassapput. Affai sinneruttut matumani konto pingaarnermi ilinniarnermut aningaasartuutinut tapiissutitigut akilerneqassapput.”

Uanngalu taarserneqarluni:

”Timmisartortartutut ilinniartitaanermut aningaasartuutit ilinniartumut ataatsimut 600 - 800.000 kr.-it missaaniipput. Aningaasartuutit taakku affaat tikillugit ilinniartuunermi taarsigassarsiassangortinneqarsinnaapput, taakkulu konto pingaarnermi 40.02.03 Aningaaserivinni taarsigassarsiat taarsigassarsiallu akilerneqartarnerat aningaasartuutigineqassapput. Affai sinneruttut matumani konto pingaarnermi ilinniarnermut aningaasartuutinut tapiissutitigut akilerneqassapput.”

#### **Kotomut pingaarnermut, 40.02.07 Immikkut ikiorsiissutit, angalanermut aningaasartuutit il.il. suliffeqarfiit, nassuiaatit**

AIS2025-mi kontumi pingaarnermi uani nassuiaatini oqaasertaliussaq nr. 2-mi immikkoortup tulliuttup peerneqarnissaa qinnutigineqarpoq:

”Oqaasertaliussaq AI2024-mit ingerlateqqitaavoq.”

Uanngalu taarserneqarluni:

## Ilanngussaq 2, oqaasertaliussat kiisalu oqaasertaliussanut nassuiaatit

“Oqaasertaliussat AI2024-mit iluarsineqarlutik ingerlateqqitaapput.”

### **Nr. 160.**

#### **Kontomut pingaarnermut, 40.91.31 Suliniutit aallaavigalugit tapiissutit**

AIS2025-mi kontomut pingaarnermut matumunnga oqaasertaliussaq peeqquneqarpoq, tullinnguuttunillu taarserlugu. Allannguutissatut siunnersuut atorlugu akigititat 1 %-ip missaanik qaffanneqassasut qinnutigineqarpoq. Taamaattoq Imarsiornermik Ilinniarfimmu akigititat 36.600-niit 38.000 kr.-nut qaffanneqassasut qinnutigineqarpoq. Taamaasilluni 3,8 %-imik qaffariartoqarpoq.

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 31, 4. juni 2024-meersoq naapertorlugu taxameteri malillugu sapaatip akunneranut ilinniartitsinermut ataatsimut akiliutigineqartussat makku aalajangersarneqarput:

#### **Imarsiornermik Ilinniarfik**

Tunngaviusumik ilinniagaq	38.000 kr.
Qalulerisoq	38.000 kr.
Piniartutut Aalisartutullu ilinniagaq	38.000 kr.
Angallatini aqumiutut ilinniagaq	38.000 kr.

#### **Niuernermik Ilinniarfik, Nuuk**

TNI tunngaviusooq/Niuernermik Ilinniarfinni Tunngaviusumik ilinniagaq	29.800 kr.
TNI Flex	29.800 kr.
TNI/Niuernermik Ilinniarfinni Tunngaviusumik ilinniagaq	32.600 kr.
TNI/Aningaasaqarneq	32.600 kr.
TNI-Immikkut ilinniakkat	32.600 kr.
AU Aningaasarsiornermut ilisimatusartoq	38.000 kr.
AU IT/Paasissutissiisarnermut teknologi	38.000 kr.
AU IHM/ Nunani tamalaani niuorneq aamma niuernermit tuniniaaneq	40.700 kr.
AU Aningaasaqarneq aamma pigisanik nalilinnik aqutsineq	40.700 kr.
AU Assartuineq aamma Pilersaarusiorneq	40.700 kr.
AU Pisortat allaffissornerat	40.700 kr.
AU Human Ressource	40.700 kr.
AU IT-paasissutissiisarnermut teknologi (nikerartoq)	40.700 kr.
BA Aningaasaqarneq aamma pigisanik nalilinnik aqutsineq	46.200 kr.
BA Nunani tamalaani niuorneq aamma niuernermit tuniniaaneq	46.200 kr.
MerX	46.200 kr.
AU Aningaasat pillugit siunnersuisarnerit	57.000 kr.
Inatsisilerinermit sullissisoq	59.800 kr.

#### **Perorsaanermik Ilinniarfik**

Isumaginninnermit ikiorti	35.900 kr.
Ulluunerani neqeroorutini ikiorti	41.800 kr.
Isumaginninnermit ikiorti	46.000 kr.
Perorsaanermi ikiorti	47.200 kr.
Perorsaasoq	50.700 kr.

## Ilanngussaq 2, oqaasertaliussat kiisalu oqaasertaliussanut nassuiaatit

### **Inuussutissalerinermik Ilinniarfik, INULI**

Savaatilik	38.000 kr.
Pisiniarfik	38.000 kr.
Iffiortoq	38.000 kr.
Tunngaviusumik ilinniagaq	40.700 kr.
Mamartunik nerisassiorneq	40.700 kr.
Inuussutissalerinermut assistenti	40.700 kr.
FishTech-GL	40.700 kr.
Cafemi/Kantiinami ikiorti	40.700 kr.
Atuarfimmi suliffimmik misiliineq	40.700 kr.
Hotelimi/Takornariaqarnermi ikiorti	40.700 kr.

### **Campus Kujalleq**

TNI Tunngaviusooq	29.800 kr.
TNI Flex	29.800 kr.
Issittumi takornariartitsisartoq	35.200 kr.
TNI/Niuernermik Ilinniarfinni Tunngaviusumik ilinniagaq	35.200 kr.
Serviceøkonom	35.200 kr.
Ilinniarnertuunngorniarfik	38.000 kr.
Issittumi Misigisassarsiortunik angallassisartut	65.200 kr.

### **Peqqinnissakkut ilinniartitaanernut Qitiusumik ilinniarfik**

Peqqinnissakkut sullissisoq	38.000 kr.
Peqqissaanermi ikiorti	40.700 kr.
Tapersersorti	46.200 kr.
Kigutileriffimmi assistenti	54.300 kr.
Peqqissaanermi assistenti	54.300 kr.
Portøri	56.200 kr.
Kigutigissaasoq	89.600 kr.

### **Teknikimik Ilinniarfik**

Atuarfimmi suliffimmik misiliineq	21.600 kr.
HT-mi suliffimmik misiliineq/Assassorneq teknikilu	21.600 kr.
AM atuarfimmi suliffimmik misiliineq/Autoq aamma Marine	21.600 kr.
Atuarfimmi suliffimmik misiliineq Innaallagialaq sakkortoq	24.400 kr.
Marinemekanikeri	27.100 kr.
Automekanikeri	27.100 kr.
Umiarsuarmi motorilerisoq	27.100 kr.
Innaallagialaq sakkukitsaq Tunngaviusumik ilinniagaq	27.100 kr.
El stærkimik Tunngaviusumik atuartitsineq	27.100 kr.
Tunngaviusumik atuartitsineq Qisulerisoq-Qalipaasoq-Ruujorilerisoq	29.800 kr.
Assartugalerisoq	32.600 kr.
Ruujorilerisoq	32.600 kr.
Qalipaasoq	32.600 kr.
Sanasoq	32.600 kr.
Saffioq	32.600 kr.
El-sakkortoq H	32.600 kr.
Sanaartornermi maskiinanik ingerlatsisoq	38.000 kr.

## Ilanngussaq 2, oqaasertaliussat kiisalu oqaasertaliussanut nassuiaatit

Minesvendi	38.000 kr.
Ilinniakkat sivikinnerusut	38.000 kr.
Ilinniarnertuunngorniarfik	40.700 kr.”

### **Nr. 161.**

#### **Kontomut pingaarnermut, 40.95.01 Eqqumiitsuliornermut kulturimullu tapiissutit allat**

Kontomut pingaarnermut matumunnga oqaasertaliussamat immikkoortoq manna ilanngunniarneqarpoq. Immikkoortup ilanngunniarneqarneranut tunngavilersuut takorusunneqassappat oqaasertaliussamat matumunnga nassuiaatit innersuussutigineqassappat.

"Naalakkersuisuttaaq nersornaasiinernut tunniunneqartartunut tunngatillugu konto pingaarneq manna aqcutigalugu ukiumut aningaasanut inatsiseqarfiusumut tullermut nuussinissamat piginnaatinneqarput."

#### **Kontomut pingaarnermut, 40.95.01 Eqqumiitsuliornermut kulturimullu tapiissutit allat, nassuiaatit**

Kontomut pingaarnermut matumunnga nassuiaatini immikkoortoq kingulleq manna peeqquneqarpoq:

”Oqaasertaliussaq AI2024-mit ingerlateqqitaavoq.”

Uanngalu taarserneqarluni:

"Konto pingaarnermi matumani ataqqinaammik tunniuttakkanut aningaasanik immikkoortitsisoqarsimavoq. Inatsisartut inatsisaanni nr. 33 , 13. Juni 2023-meersumi aamma ataqqinaammik tunniuttakkat pillugit Namminersorlutik Oqartussat nalunaarutaanni aalajangersakkat naapertorlugit ukiut tamaasa ataqqinaammik tunniuttakkat isertitat naapertorlugit annertussusilerneqartarput. Taamaalilluni ataqqinaatitut tunniuttakkat 1,0 mio. kr.-usut AI2025-mi aningaasaliissutaasimasut taakkuupput ukiut tamaasa amerlanerpaanik aningaasartalerlugit tunniunneqartartut. Ukiut tamaasa eqqumiitsuliornermut ukiumut isertitaat eqqoqqissaartumik aningaasat amerlassusissaannut apeqqutaavoq. Aningaasaliissutaasut tulluurtumik atornerqartarnissaat qulakkeerniarlugu ataqqinaatitut tunniunneqartartut kontomi pingaarnermi matumani sulinerneq akissarsiaqartitsinissamat aningaasaliissutinut tunniunnerisa kingorna aningaasat sinneruttut nuunnissaannut Naalakkersuisut tunngavissaqartitaanerat oqaasertaliussatigut qulakkeerneqarpoq. Eqqumiitsuliornermik suliaqarnermut tamatumalu ingerlateqqinneqarnera pillugit Namminersorlutik Oqartussat nalunaarutaat nr. 75, 21. december 2021-meersoq naapertorlugi sulinissamat tapiissutitut Kalaallit Nunaanni Eqqumiitsuliornermut Aningaasaateqarfik aningaasat sinnerinik tunineqassaaq.

Oqaasertaliussat AI2024-mit iluarsineqarlutik ingerlateqqitaapput."

## Ilanngussaq 2, oqaasertaliussat kiisalu oqaasertaliussanut nassuiaatit

### Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq – Suliassa qarfik 66 - 67

#### **Nr. 162.**

#### **Suliassa qarfinnut 66-67 Aatsitassanut suliassa qarfik**

Oqaasertaliussat tulliuttut ilanngunniarneqarput. Oqaasertaliussap ilanngunniarneqarneranut tunngavilersuut takorusunneqassappat oqaasertaliussamat matumunnga nassuiaatit innersuussutigineqassapput:

”Nr. 2.

Aatsitassanut suliassa qarfiup iluani (Aatsitassanut oqartussaq) oqartussap ilusiligaanerata, aatsitassat pillugit ingerlatallu tamatumunnga pingaarutillit pillugit inatsisartut inatsisaanni (aatsitassanut ikummatissanullu inatsit) § 3a-mi aamma aatsitassanut tunngasunik suliqaarneq pillugu Inatsisartut inatsisaanni § 23-mi nassuiarneqartup, allanngortinnissaanut Naalakkersuisut piginnaatinneqarput.”

#### **Suliassa qarfinnut 66-67 Aatsitassanut suliassa qarfik, nassuiaatit**

Oqaasertaliussanut nassuiaatit tullinnguuttut ilanngunniarneqarput:

”Nr. 2

Aatsitassanut suliassa qarfimmi, Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfimmit aamma Aatsitassanut Ikummatissanullu Aqutsisoqarfimmit isumagineqartumi, oqartussat suliarinnittarnerannik allatut ilusiliinissamat oqaasertaliussaq periarfissiivoq. Oqaasertaliussaq avatangiisinut suliassa qarfimmi oqartussat suliarinnittarnerannut tunngatillugu naalakkersuinermut attuumassuteqannginnermut tunngaviusup allanngortinnissaanut periarfissiinngilaq, taamatullu avatangiisinut suliassa qarfimmi oqartussap aalajangiinerisa naammagittaalliutigineqarnissaannut periarfissanik allanngortitsinissamat piginnaatitsisoqarani. Aatsitassanut suliassa qarfiup iluani oqartussap ilusiligaanerani allanngortinneqarnissaanut, tamatuma kingorna aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) ammalu aatsitassanut tunngasunik suliqaarneq pillugu Inatsisartut inatsisaata allanngortinneqarnissaa, pisariaqarpoq.

Inatsisartut Aningaasaqarnermut Akileraartarnermullu Ataatsimiititaliaat kiisalu Inuussutissarsiornermut Aatsitassanullu Ataatsimiititaliaat piginnaatitsissutip atorneqarnera pillugu ilisimatinneqassapput.

Oqaasertaliussaq nutaajuvoq.”

### Ineqarnermut Attaveqaasersuutinullu Naalakkersuisoq - Suliassa qarfik 70 - 72

#### **Nr. 163.**

#### **Suliassa qarfimmut, 70-72 Ineqarnermut Attaveqaqatigiinnermullu Naalakkersuisoqarfik**

Oqaasertaliussat tulliuttut ilanngunniarneqarput. 2024-mi oqaasertaliussaq Aningaasarnermut Akileraartarnermullu Ataatsimiititaliap ullormi 21. oktober 2024-mi ilassutitut aningaasaliissuteqarneratigut akuersissutigineqarpoq, takuuk TB-sagsnr. 24-1096:

”Nr. 4.

## **Ilanngussaq 2, oqaasertaliussat kiisalu oqaasertaliussanut nassuiaatit**

Inatsisartut peqqussutaanni nr. 2, 12. maj 2005-imeersumi kingusinnerusukkut allanngortinneqartumi § 33, imm. 1 imatut ilusilerneqassaaq:

"Inissiani attartortittakkani namminersortunit pigineqartuni ineqarnermut akiliut aningaasartuutit malillugit annertussusilerneqassaaq, taannalu attartortitsisup aningaasaliissutinut aningaasartuutigisaanit uppersarneqartunit, ingerlatsinermit aningaasartuutigisaanit uppersarneqartunit aammalu illuutip teknikikkut aningaasaqarnikkullu nalingata diskontop affaatut annertussusilimmik, taamaattorli minnerpaamik 1,5 %-imik, ernialersorneqarneranut akiliutigisaanit qaffasinnerussanngilaq. Ineqarnermut akiliut inissiat angissusiat naapertorlugu agguarneqassaaq."

### **Suliassa qarfirmut, 70-72 Ineqarnermut Attaveqaasersuutinullu Naalackersuisoqarfik, nassuiaatit**

Oqaasertaliussanut nassuiaatit tullinnguuttut ilanngunniarneqarput:

"Nr. 4.

Oqaasertaliussat namminersortunit pigineqartunut inissianut attartortittakkanut tunngasuupput.

Inatsisartut peqqussutaanni nr. 12. maj 2005-imeersumi kingusinnerusukkut allanngortinneqartumi § 33, imm. 1 imatut ilusilerneqassaaq:

"§ 33. Inissiani attartortittakkani namminersortunit pigineqartuni ineqarnermut akiliut aningaasartuutit malillugit annertussusilerneqassaaq, taannalu attartortitsisup aningaasaliissutinut aningaasartuutigisaanit uppersarneqartunit, ingerlatsinermit aningaasartuutigisaanit uppersarneqartunit aammalu illuutip teknikikkut aningaasaqarnikkullu nalingata diskontop affaatut annertussusilimmik ernialersorneqarneranut akiliutigisaanit qaffasinnerussanngilaq. Ineqarnermut akiliut inissiat angissusiat naapertorlugu agguarneqassaaq."

Oqaasertaliussap kingunerisaanik inissiani attartortittakkani namminersortunit pigineqartuni ineqarnermut akiliummi ernialersuinerit ilanngunneqassapput, Nationalbankenip diskontoata affaanut naapertuuttumik, taamaattorli minnerpaamik 1,5 %-imik. Maannakkut ernialersuineri akigititani minnerpaaffik eqqaaneqartumi, diskontop assersuutigalugu 0 %-imut appasinnerusumilluunniit appartinneqarsimappat inissiani attartortittakkani namminersortutut piginnittut amigartooruteqarlutik inatsisinit peqquneqarnissaasa pinngitsoortinnissaa anguniarneqarpoq.

Akigititaq Namminersorlutik Oqartussani kommuninilu inissiani attartortittakkani ineqarnermut akiliutip aalajangersarnerani aningaasaatinut iluanaarutit naatsorsorneri pillugit attartorneq pillugu peqqussummi aalajangersakkani atuuttunisulli qaffasissuseqassaaq. Tamanna pillugu akigititaq attartorneq pillugu peqqussummi § 31, imm. 1-imi illup sanaartornerani aningaasat 1,5 %-iannut aalajangersarneqarsimavoq.

Naatsorsorneqarpoq ukiuni kingullerni 25-imi diskontop affaa agguaqatigiissillugu 1,6%-ip missaaniissimasoq. Illup sanaartornerata akiata 1,5 %-ianik akigititaqarnissaq pillugu siunnersuut taamaattumik minnerpaaffiup naammaginarlutik qaffasissuseqarneratut nalilerneqarpoq.

Oqaasertaliussat aaqqiissutaagallarput, inissianik attartorneq pillugu inatsisip nutaap akuersissutigineqarnissaata tungaanut atuuttussatut eqqarsaatigineqarpoq.

## Ilanngussaq 2, oqaasertaliussat kiisalu oqaasertaliussanut nassuiaatit

Oqaasertaliussaq nutaajuvoq.”

### **Nr. 164.**

#### **Kotomut pingaarnermut, 72.20.08 Nalunaarasuartaatitigut attaveqaatit**

Oqaasertaliussaq tassungalu nassuiaatit peerniarneqarput.

Imm. 21-p akuerineqarnera malippaa: Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut (Nunap immikkoortuini akitigut naligiissaarisogarnissaanut aamma ajunaalernerni isumannaallisaanikkullu sullissiffiusut annertusineqarnissaannut akuersissummik pigisaqartumut peqqusinissamut tunngavissaq).